



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuiſimiè explicantur

**Gavanti, Bartolommeo**

**Antverpiæ, 1634**

De Festis Sanctorum mense Nouembri. XIII.

**urn:nbn:de:hbz:466:1-40244**

uauit Officium , Oratione excepta. Euangeliū idem , quod in Comite S. Hieron. Officium Missæ, vt in Antiphonario & Sacramentario Gregoriano. Si contingat eos diuidi, quia alter tantum Titularis est Ecclesiæ, iuxta Rubricam quæ habetur suprà Sect. 3. cap. 10 num. 11. tunc pro S. Simone legatur in primo Nocturno de Communi Apostol. referuata Lect. Ep. Iudæ eidem , qui est eiusdem auctor , vt Sect. 5. cap. 12. num. 15. pag. 86. signifi- cauimus. Vide quæ diximus in prima die Maij pag. 147. At quia Lectio quarta non potest diuidi, ea legatur in Festo Titularis , & iterum in Officio alterius translaci, sicuti etiam Euangeliū cum Homilia. Lectiones quinta & sexta variari possunt, vt in Communi Apostolorum . Pro varianda Oratione , sumi potest Oratio Vigiliae in numero singulari , & mutatis verbis, preuenient in celebamus, & preueniant in imploret. sed in his casibus consule sacram Congregationem , vt aliquid proprium concedat.

31. Vigilia Omnia Sanctorum. In Antiphonario & Sacramentario Gregoriano habentur Orationes cum Officio Missæ; sed posterius est sancto Gregorio , ex Pamelio. Concilium Oxoniense & Beda meminerunt.

*De Festis Sanctorum mense  
Nouembri.*

C A P. X I I I.

**O**MNIUM SANCTORUM. Ordo Romanus habet hæc verba notanda: *In Calen. Nouem.  
& per totum orbem plebs uniuersa,  
sicut in die Natalis Domini, ad Ecclesiam in honorem Omnia Sanctorum ad  
Missarum solemnia conuenire studeat;*

illud attendentes, ut quidquid humana fragilitas per ignorantiam aut negligenciam in solemnitatibus ac Vigiliis Sanctorum minus plene peregerit, in hac obseruatione sancta soluatur. S. Cyprianus Epistola 34. docet. natalitia Sanctorum annua celebranda esse cum Missæ Sacrificio; sed quia omnium Martyrum & aliorum non possunt singula celebrari (teste Eusebio citato à Beleth cap. 154. existimante, quotidie excedere numerum quinque millium) ) idè Bonifacius IV. instituit Romæ Festum Omnia Sanctorum hac die: quod deinde alij orbis Ecclesijs edixit Gregorius IV. anno 835. ex Sieberto, & præfentibz Gallis, & Germanis, ex Baronio in Annal. ad annum eundem. Neque verò est Sanctorum Martyrum tantum hoc Festum, verùm etiam Confessorum, vt in Codice M. S. se legisse ait Baron. in *Martyrolog. die 13. Maij.* Habetur Festum in Sacramentario: solemne Festum in Ord. Romano. vnde Duplex primæ classis conuenienter fuit statutum. Officium à Gregorio IV. compositum esse, scribit Schultingius ex Beleth capite 127. Pius V. mutauit omnes Lectiones; fustulit primum Responsorium, & addidit octauium de Virginibus.

In secundo Nocturno, & per Octauam, legi iussit Sermonem accommodatum Festo, quem tribuebant alij Augustino; quod est falsum, cum ille obieritante Bonifacium IV. Alij Odoni Abbat, de quo tamen volumen manuscriptum habemus testem in Vaticana Bibliotheca. Nomine Bedæ à Clemente VIII. iussus est legi; quia inter eius Opera habent, & vixit ille post Bonifacium IV. vnde & in postrema recognitio. e Breuiarij secuti

secuti sumus textum ipsum qui Bedae adscribitur. Officium Missæ in Antiphonario & Sacramentario Gregorio legitur, exceptis Offertorio & Communione, quæ fuerunt mutata: sed posterior est sancto Gregorio, ait Pamelius. In secundis Vesperis mandauit Urbanus VI. post Vespertas festivas cantari Vespertas Defunctorum ritu Duplici, ut dicitur in Breuiario Venetijs edito anno 1521.

2. Commemoratio omnium Fidelium Defunctorum. Tribuitur hic ritus communiter Odiloni Abbatii Cluniacensi, ex Siegerbo anno 998. à quo diffusus est in totum orbem auctoritate Apostolica; sed à Bonifacio IV. indicatam esse Commemorationem hanc, scribit M. Polonus anno 607. imo anno post institutionē Festi Omnium Sanctorum ab eodem Bonifacio, docet Petrus de Natal. citatus à Demochare Tomo 4. c. 18. Petrus Gallesius auctorem facit Ioannem XVI. suadente Odilone, in *Not. Martyrol.* Amalarius autem meminit de *Ordine Antiphon.* cap. 65. qui vixit post Bonifacium, & ante Odilonem, circa annum 800. & causam reddit. Post Officium, inquit, Sanctorum inseriū Officiū pro mortuis: multi enim transierunt de praesenti saeculo, qui non illiēd Sanctis coniunguntur, pro quibus solito more Officium agitur. Hæc ille. Nota eā verba, *solito more;* ergo erat in vī. Duplex in M.S. & 1550. De Officij auctore & ritu dicemus *Sectione nona.*

Si in Dominica occurrat, transferatur Commemoratio hæc in diem Lunæ, & Vespera in Vespertas Domini- cæ, ex Decreto Urbani VI. loco cita- to. nisi dies Lunæ sit item impedita Festo de p̄æcepto: tunc enim in diem

quartam Nouembris (etiamsi sit impedita Festo nouem Lectionum) transfertur Officium Defunctorum cum Missis, cantata de Festo altera Missa vñā cum Officio de die. Neque Officium hoc Defunctorum omitti deber, cùm sit pars Officij diuini eo die præscripti, ut notat Suarez libro 4. de Hor. Canonic. cap. 25. num. 8. & 9. & cùm sit pars notabilis, ad restitutionem fructuum tene- tur Beneficiarius ad ratam Vespera- rum, vel Matutini, vel vtriusque, prout in Bulla Pij V. de qua suprà *Sectione 1. cap. 6. num. 2. pag. 11.* Decreuit etiam Sacra Congregatio Ri- tuum prima Septembri 1607. ne pridie vesperi recitetur Matutinum Defunctorum, sed hac die manè: quod est notandum, & obseruandum ex Rubrica propria Breuiarij. Vide *Sectionem 9. cap. 2.*

4. Vitalis & Agricolæ. In Missali Vaticano vol. 4743. Simplex in M.S. & 1550.

Caroli A Paulo V. ad libitum Cle- ri, 6. Decembris 1613. cum Officio & ritu Semiduplici, 3. Decembris 1616. approbato. Si fiat Officium, in lectio- ne Martyrologij legatur de eo primo loco. In tota Provincia Mediolanensi celebrari potest Duplici ritu, ex De- creto sacra Congregationis Rituum 20. Nouembris 1610. si transferatur, mutatur tertius Versus in Hymno, *Iste confessor.*

8. Octaua Omnium Sanctorum à Sexto IV. & ex Codice M. S. Ecclesiæ sanctæ Mariæ ad Martyres citato à Baronio in *Martyrolo- gio hæc die.* Duplex ab eodem Sexto, & in Breuiario 1550. Pius V per totam Octauam reformatum Le- ctiones.

Quatuor Coronatorum. Ordo Romanus. Antiphonarium & Sacramentarium Gregorianum, cum omnibus Orationibus Missæ, sub nomine quinque aliorum, Decreto Melchiadis, ait Durand. lib. 7. cap. 36. Simplex in M.S. & 1550. Officium, vel ab Honorio I. qui Romæ adificauit corum Ecclesiam, ex Martino Cosentino in Chronicis; vel à Leone IV. qui, ex Platina, corpora eorum inuenit, & Ecclesiam illustriorem reddidit.

9. Dedicationis Basilicæ Saluatoris. Dicta est Basilica Iulij à Sancto Gregorio, item Constantiniana Lateranensis, à S. Hieronymo; cuius laudes persequitur Petrus Cardinalis Damiani in Ep. ad Cardd. S.R.E. ex quibus patet, eam esse caput Ecclesiastum: & hæc est potissima ratio Festi. Romæ tantum celebrabatur, Radulph. Prop. 22. Habetur in Missali Vatic. vol. 4770. Duplex in Breuiario 1521. Officium de Communi. Pius V. Lectiones 1. & 2. Nocturni addidit.

Theodori. In Antiphonario & Sacramentario Gregoriano, cum omnibus Orationibus Missæ. Habuit Orationem Nyssenus. Metaph. meminit in Actis S. Alippi die 26. Novemb. apud Sur. Tom. 6. Manuel quoque in de Feris. Simplex in M.S. & 1550.

10. Tryphonis, &c. Constantiopolis celebre Festum Iustiniano Imperatore, ex Procopio lib. 1. de Aedif. Iustiniani. Romæ, ex Radulph. Prop. 22. in Missali Vaticano vol. 4743. Simplex in Breu. 1550.

11. Martini Episcopi. Leone I. Pont. celebratum fuisse hoc Festum ex Concilio Turonico, scribit Galesin. in Martyrolog. Habetur in Sacramentario Gregoriano, à quo in editione Ro-

mana primam tantum Orationem habemus in Missa, omnes autem in Pameliana. S. Bernardus Sermonem habuit; & de generali confuetudine testatur Radulph. Propos. 17. Semidupl. apud Durand. lib. 7. cap. 1. Duplex apud Radulph. loco citato. ruris Semidup. In Breuiario 1550. à Pio V. tandem Duplex, qui & mutauit Lectiones omnes. Reliqui Officij Gallicani, ut obseruat Pamelius ad Antiphonar. S. Gregory dicitur auctor sanctus Radbodus Episcopus Traiectensis, ex Schultingio. Psalmi Nocturnorum sunt de Communi Martyris; quia sancto Martino non defuit palma martyrij, vt dicter in Antiphona ad Magnificat. Officium Missæ non est idem quod in Antiphonario Gregoriano, & est posterius Gregorio, ex Pamelio.

Mennæ. In Antiphonario & Sacramentario Gregoriano. A quo in Romana habemus primam tantum Orationem Missæ, omnes autem in editione Pameliana. Simplex in Breuiar. 1550.

12. Martini Papæ Ex Calendari Martyrol. Romano antiquissimis, citatis à Baron. in Martyrolog. & in Missali Vaticano vol. 4743. Semidupl. ex Microl. cap. 43. Roma tantum, ex Radulph. Propos. 22. Simplex in M.S. & in Breu. 1550. restituitur Semidupl. à Pio V. Clemens VIII. mutauit Euangel. cum Homilia.

17. Gregorij Thaumaturgi. Nyssenus Orationem habuit. In Missali Romano non ante annum 1550. habetur Festum. Simplex à Pio V. Semidupl. à Clemente VIII. cum Homilia. Si transferatur, mutatur in Hymno, *Iste confessor*, tertius Versus.

18. Dedicationis Basilicæ Apothorum.

lorum. Loca ipsa ante Limina Apostolorum vocabantur, de quorum osculo ob dignitatem lege Baronium in *Martyrologio*; vnde sumitur ratio Festi. Romæ tantum tempore Radulphi *Propos. 22.* in Missali Vatic. *volum. 4743.* Dupl. 1550. Pius V. Lectiones 1. & 2. nocturni adiecit. Clem. VIII. Homiliam sancti Gregorij assignauit. Urbanus VIII. quintam Lectionem opere 1626. & verbis locupletauit anno 1627.

19. Pontiani. In Missali Vaticano prox. cit. Simplex in M.S. & 1550.

21. Præsentationis beatæ Virginis. Hac die præsentatam fuisse, Vuardus ait in *Martyrolog.* Sermones habuere Gregorius Nyssenus, Germanus Constantinop. & Georgius Nicomediensis, qui vixit circa annum 1000. Menologium, & Manuel tit. de Ferijs. Apud Gallos sub Carolo Magno 1375. procurante Abbe S. Nicolai in Normandia: ab his ad Saxones, tum ad Siculos transiit, vt enarrat Wion auctor Ligni vitæ lib. 5. Pius II. & Paulus II. ex Molano in *Addit.* ad *Martyrolog.* vel, vt alij volunt, Sixtus IV. edixerunt. tandem restituit Festum Sixtus V. 1585. Duplex in Breu. 1550. & à Sexto V. Officium vero, quo nunc utimur, Clemens VIII. designauit, abrogato antiquo, quod erat de Nativitate Virginis, mutato nomine *Nativitatis in Præsentationis*; cui non bene omnes Antiphonæ congruebant: & declarauit esse Duplex maius. In 7. Respon. pro *Festinitatem*, dici debet *Præsentationem*.

22. Cæciliae. In Sacramentario Gregoriano cum prima & secunda Oratione Missæ; ultima deinde fuit mutata, quæ tamen habetur in Codice Pa-

meliano. de generali consuetudine restatur Radul. *Propos. 17.* & in Breu. S. Isidori habetur Hymnus de ea. Semidupl. apud Durand. *lib. 7. cap. 1.* & Radul. citatum, & item in Breu. 1550. quod perseverat. Officium Missæ habetur in Antiph. Greg. Lectiones mutata à Pio V. fuerunt.

23. Clementis. In Sacramentario Gregoriano. Sed Orationes omnes fuerunt postea mutatae; quæ tamen leguntur in Codice Pameliano. de generali consuetudine Radulph. *Propos. 17.* Sanctus Bernardus Sermonem habuit. Semid. apud Radulph. citatum, & in Breuiar. 1550. imò tempore Microl. *cap. 43.* Officium est antiquum, mutatis Lectionibus & quibusdam Responsorijs à Pio V. Officium Missæ, ut in Antiphonario Gregoriano.

Felicitatis. In Comite Hieron. habetur mense Julio, & item in Sacramentario Gregoriano, à quo habemus primam & ultimam Orationem Missæ; secundam etiam habet Pamelianus Codex. Sermones habuere S. Petrus Chrysologus & S. Gregor. Simplex in M.S. & 1550.

24. Chrysogoni. In Sacramentario Gregoriano. Simplex in M.S. & 1550. Officium Gregor. Missæ tamen aliud est in eiusdem Antiphonario; sed Orationes, quæ apud nos habentur, in citato Sacramentario leguntur.

25. Catharini. A Trenirensibus cœpit coli anno 1245 ex Lipomano *To. 5.* & de generali consuetudine fieri, scribit Radulph. *Propos. 17.* In Breuiar. Toletano duo Hymni de ea. in Missali Vatic. *volum. 4743.* habetur. Galepinus in *Martyrologio* scribit, hoc Festum in Calendario fuisse positum à Ioanne XXII. quia, inquit, in antiquis Martyrologijs de ea non legitur.

Semidup. apud Dur. lib. 7. cap. 1. Duplex apud Radulph. cit. rursus Semidup. in Breu. editis 1521. & 1550. Duplex tandem à Pio V. qui, retentis Oratione & Lectionibus 2. & 3. Noct. antiquum Officium proprium integrum ablegavit. Dicitur Æcatherina in antiquo Codice citato à Baronio in *Martyrologio*.

26. Petri Alexandrini. In eius Festo S. Athanasius puer, puerilibus lusibus seria prænuntiassè scribitur à Ruffino lib. 1 *Histor. cap. 14.* Habetur Festum in Missalibus Vatic. vol. 4743. & 4771. & in edito Venet. 1505. non ante: in Breuiar. tamen 1550. non extat; ergo restitutum est à Pio V. qui & Simplici ritu celebrari Festum iussit.

Objit ille tamen pridié huius diei, ex Galesin. in *Martyrologio*. Et hæc de Proprio Sanctorum.

Addam duo pro declaratione predicatorum. Alterum est, quod nomine *Officii Missæ* intelligimus Introitum, Graduale, Offertorium, Communionem: & in Horis Canonici pro *Officio*, Orationem conformem Missæ, tum Antiphonas, Responsoria, & Lectiones. Alterum est, quod Manuelem sæpius citauimus *tit. de Ferijs*; non quod ipse indexerit Festa, sed Ferias in Festis, & eum tamquam testem Festorum apud Græcos obseruatorum attulimus in medium. Floruit autem anno 1180. & sequenti objit.

## SECTIO OCTAVA.

### De Communi Sanctorum.

**C**OMMVNE Sanctorum continet ea quæ ad Horas Canonicas sunt necessaria, quando in eorum Festis non habentur propria, nimurum Hymnos, Antiphonas, Psalmos, & huiusmodi Potissimum autem deseruit ijs Sanctorum Festis, qui de numero Apostolorum sunt, Martyrum, Confessorum, Virginum, non Virginum, item Patronorum, seu Titularium; item Dedicationis Ecclesiæ, & frequenti Officio, quod vocatur S. Mariæ in Sabbato. Sed in genere occurrit questio de Communi. Quo die celebrandum erit Festum illius Sancti, de quo nescitur dies obitus, neque translationis, neque insignis manifestationis, & eiusmodi; & tamen alijs de